



CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E A CÁMARA DE COMERCIO, INDUSTRIA, SERVICIOS E NAVEGACION DA CORUÑA CO FIN DE ACOLLER BOLSEIRO/AS PARA A ADQUISICIÓN DE COMPETENCIAS PROFESIONAIS EN MATERIA DE INTERNACIONALIZACIÓN EMPRESARIAL

En Santiago de Compostela,

REUNIDOS

Dunha parte, Dña. Covadonga Toca Carús, en representación do Instituto Galego de Promoción Económica (Igape), con CIF Q 6550010J e domicilio en Complexo Administrativo de San Lázaro s/n 15703 Santiago de Compostela. (A Coruña). Está facultada para este acto en virtude da delegación de facultades, recollida na Resolución do 18 de setembro de 2023 (DOG núm. 184, do 27 de setembro de 2023).

E doutra parte, D. Manuel Galdo Pérez, en representación da Cámara de Comercio, Industria, Servicios e Navegación de A Coruña (Cámara de Comercio de A Coruña) con CIF Q-1573002A e domicilio na C/Alameda 30-15003 A Coruña.

As partes recoñécense mutuamente capacidade xurídica suficiente,

EXPOÑEN

- 1.- Que mediante Resolución da Dirección Xeral do Igape do 11 de xuño de 2024 publicáronse as bases reguladoras do Programa de adquisición de competencias profesionais en materia de internacionalización empresarial e procedeuse á súa convocatoria para o ano 2024 en réxime de concorrencia competitiva (DOG nº 120, do 21 de xuño).
- 2.- Que estas bases regulan a concesión dun máximo de 50 bolsas de formación práctica -no ámbito da internacionalización empresarial- para realizar labores de investigación de mercados, estudo de empresas e a súa planificación para internacionalización e para investigación das posibilidades de cooperación internacional entre empresas galegas e estranxeiras.
- 3.- Que os posibles destinos dos bolseiro/as indicados nas bases son: oficinas de Igape e Xunta, oficinas comerciais de España no exterior, cámaras de comercio españolas no estranxeiro, organismos multilaterais, organismos intermedios galegos, centros de investigación, empresas e/ou outros organismos en Galicia ou no estranxeiro.
- 4.- Que ambas organizacións coinciden no interese de colaborar en accións que faciliten o acceso das empresas a novos mercados, a formación de persoal especializado en internacionalización, e acceso das empresas galegas a profesionais con este perfil.
- 5.- Que, convido aos lexítimos intereses dos comparecentes, acordan regular a dita colaboración de acordo coas seguintes



CLÁUSULAS

PRIMEIRA.-

É obxecto do presente convenio regular as relacións de colaboración entre o Igape e a Cámara de Comercio, Industria, Servicios e Navegación de A Coruña para a acollida dun bolseiro/a da convocatoria do Programa de adquisición de competencias profesionais en materia de internacionalización empresarial.

SEGUNDA.-

A duración inicial da bolsa no organismo de acollida é de 11 meses e, a data de comezo estímase durante o mes de xaneiro de 2025. A dita duración poderá ser prorrogada polo Igape por un período máximo de once meses adicionais en consideración á conveniencia de finalizar ou completar unha etapa da formación que xa estivesen comezadas ou a piques de comezar na data de finalización da bolsa, sempre e cando a Cámara de Comercio, Industria, Servicios e Navegación de A Coruña acepte a prolongación da estadía.

A dotación da bolsa será pagada integramente polo Igape ao bolseiro/a, e inclúe todos os impostos de carácter persoal así como a Seguridade Social. O Igape non aboará ningunha cantidade á entidade colaboradora. No caso de que das tarefas encomendadas polo organismo se incorra noutros gastos non cubertos polas bases reguladoras do programa, estes gastos serán por conta do organismo.

O Igape asignará o bolseiro/a á Cámara de Comercio, Industria, Servicios e Navegación de A Coruña tendo en conta a puntuación final obtida polo bolseiro/a na resolución definitiva, o seu nivel de idiomas en relación ao destino en cuestión e o perfil do candidato en relación co devandito destino.

O Igape poderá substituír ao bolseiro/a no caso de renuncia do bolseiro/a anterior ou por cambio de destino por causa xustificada.

TERCEIRA.-

A colaboración da **Cámara de Comercio, Industria, Servicios e Navegación de A Coruña** consistirá en:

- A execución, dentro do horario laboral, do plan de formación plantexado pola Cámara de Comercio, Industria, Servicios e Navegación de A Coruña, que se une como anexo ao presente convenio.
- A realización, a través do(s) titor(es) proposto(s) e que se indica no anexo ao presente convenio, do seguimento da actividade desenvolta polo bolseiro/a dentro do programa de formación establecida, e a provisión do asesoramento necesario para o seu correcto desenvolvemento e integración.
- A realización e envío ao Igape de informes acumulados trimestrais de execución e resultados do programa de formación, así como o informe final.
- Permitir a execución por parte do bolseiro/a de tarefas complementarias que o Igape lle poida asignar así como a participación en reunións, seminarios ou similares aos que o bolseiro/a sexa convocado polo Igape, sendo neses casos por conta do Igape os gastos de



desprazamento, que se aboarán directamente ao bolseiro/a como parte da dotación da bolsa.

- A posta a disposición das instalacións e os medios apropiados para o desenvolvemento da bolsa.
- A inclusión do bolseiro/a no plan de prevención de riscos da Cámara de Comercio, Industria, Servicios e Navegación de A Coruña, asegurándose de que é coñecedor do dito(s) plan(s).
- O bolseiro/a deberá cumprir co réxime de ordenamento interno da Cámara de Comercio, Industria, Servicios e Navegación de A Coruña.
- Subministrar toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

CUARTA.-

As actividades do beneficiario serán en todo caso formativas, sen que en ningún suposto poida ostentar a condición de responsable, nin tan sequera de facto, da execución de calquera tipo de actividade. O bolseiro/a deberá estar en todo momento supervisado e controlado polo titor que se lle designe, que será quen adopte calquera decisión que se considere necesaria e vele porque o beneficiario aproveite con éxito o proceso de formación.

Os dereitos e obrigas establecidas en virtude do presente convenio de colaboración non presupoñen relación laboral nin de servizos entre a Cámara de Comercio, Industria, Servicios e Navegación de A Coruña e o bolseiro/a.

QUINTA.-

A entrada en vigor do convenio será desde a data efectiva de incorporación do bolseiro/a á Cámara de Comercio, Industria, Servicios e Navegación de A Coruña. A súa duración será de dous anos podendo prorrogarse por once meses adicionais se existe conformidade ao respecto polas dúas partes.

SEXTA.-

As controversias que puidesen xurdir da interpretación do presente convenio resolveranse por unha Comisión Mixta constituída por un representante designado por cada unha das partes e presidida pola directora xeral do Igape, a cal se reunirá a convocatoria de calquera dos seus membros, poñendo os seus acordos fin á vía administrativa e correspondendo contra os mesmos recurso contencioso-administrativo ante os Xulgados de Santiago de Compostela.

SÉTIMA.-

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

A entidade colaboradora someterase aos mecanismos de inspección e de control que o Igape considere convenientes, vinculadas ás actividades formativas dos beneficiarios en relación coa bolsa concedida.

O incumprimento de calquera das obrigas contraídas no presente convenio por unha das partes facultará á outra para resolver o mesmo, cos efectos que legalmente procedan.



OITAVA.-

A Cámara de Comercio, Industria, Servicios e Navegación de A Coruña consinte expresamente a inclusión dos datos persoais e relevantes deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, e poderá exercer os seus dereitos de acceso, rectificación, cancelación e oposición respecto do contido dos rexistros antes citados ante a Dirección Xeral do Instituto Galego de Promoción Económica, sito no Complexo Administrativo de San Lázaro s/n, 15703 Santiago de Compostela.

NOVENA.-

O presente convenio ten natureza administrativa e rexerase polas súas propias cláusulas e no disposto por elas, polas normas de Dereito Público español, isto é, a Lei 39/2015, do 1 de outubro, do procedemento administrativo común das administracións públicas e demais normas subsidiarias.

O presente convenio obriga ao cumprimento do expresamente pactado, someténdose as partes ao acordado en tódalas estipulacións, e como proba de conformidade, as partes asinan o presente convenio o 14 de xaneiro de 2025.

Polo IGAPE

Pola Cámara de Comercio, Industria, Servicios e Navegación de A Coruña

Asdo.: Covadonga Toca Carús

Asdo.: Manuel Galdo Pérez



NOME TITOR BOLSEIRO/A:	ODILE LUEIRO GARNIL
MERCADOS DE INTERESE:	Aqueles cos que A Cámara de Comercio de A Coruña traballa tradicionalmente como Europa, EEUU, Xapón, México, Senegal, Angola etc... e todos aqueles que o Convenio Foexga 2025 asigne a esta Cámara.
ACCIONS INTERNACIONALIZACIÓN PREVISTAS 2025:	• Accións de promoción exterior: misións comerciais, visitas a feiras e eventos expositivos • Accións dos programas Xpande Digital et Int-eComm e outros coa Cámara de España relacionados coa internacionalización das pemes • Evento Exporpymes • Estudos sectoriais • Documentos de exportación
PLAN DE TRABAJO E TAREFAS DO BOLSEIRO/A:	• Colaboración en tódalas accións indicadas anteriormente (diseño, posta en marcha, revisión da documentación, tramitación de subvencións, etc.) • Colaboración na resolución das consultas plantexadas polas empresas • Busca de información no desenrolo dos programas Xpande Digital e outros • Busca de potenciais empresas desta demarcación interesadas neste tipo de servizos • Informes sobre lexislación relacionada coa internacionalización das empresas